

Эпик турнинг энг кичик жанри бўлган хикоя бадиий тафаккур ибтидосидан бери талай шаклий-мазмуний ўзгаришларга учраганига карамасдан, ўзининг асл киёфасини, жозибаси ва фаоллигини йўкотмай келаётган бадиий ходисалар сирасига киради. Айни нуктаи назардан XX аср жаҳон хикояси бир томондан тамомила янги поэтик шакл, янги этик мохият сифатида намоён бўлса, бошка томондан жаҳон адабиётининг барча жанрларига хос хусусиятларни синкетик ифода этган кўламдор жанр хисобланади. Бу каби бир кадар нотаниш, гипотезанамо хулоса жаҳон хикояси деб аталмиш вокеликни бирбутун, лоакал маълум бир даврга оид намуналарини кузатганимизда янада тиниклашади.

Тарихий ва назарий поэтикага доир тадқикотларда, монография, терминологик лугатлар, дарслик хамда ўкув кўлланмаларда хикоя жанри турли ракурсларда ўрганиб, илмий-адабий жихатдан талкин этиб келинади. Шунга кўра ушбу жанрга хос поэтик канонлар (белги ва мезонлар) мукаммал даражада ишлаб чикилган. Айтиш мумкинки, бугунги мактаб ўкувчиси хам хикоя жанрининг муайян белгиларидан хабардор. Лекин, шунга карамасдан, назарий адабиётшунослик, хеч качон, бу жанр хусусида сўнгги хулосани айта олмайдики, бу хам хикоянинг доимий харакатдаги, мураккаб эстетик ходиса эканидан далолатdir.

Менинг тасаввуримдаги хикоя наинки давр, ижтимоий мухит, миллат, адабий доира, муаллифларнинг алмашинуви билан, балки муайян ижодкорда ёш, рухият, кайфиятнинг ўзгариши билан хам тамомила бошкacha шаклий-мазмуний мохият касб этиши мумкин. Шу маънода биз хикоя жанри хакида сўз юритаётганда унинг оригиналлиги остида ўтмиш, тарихийлиги остида келажак намоён бўлиши мумкинлигини назарда тутишимиз лозим. Хикоянинг ибтидо кўлами, умри башариятнинг ер юзини макон тутиши ва унда кечираётган улкан тарихи билан тенг, десак хато бўлмайди. Вокеан, илк хикоялар, биз сўз юритаётган бадиий жихатдан мукаммал жанр талабларига мос келмаса хам, инсониятнинг илк аждодлари рухиятига хос ходиса эди ва бугунги цивилизациялашган одам рухиятида хам бу борада катта фарқ, ўзгачалак кузатилмайди. Инсон бор жойда хикояга талаб хам, эҳтиёж хам бор. Хатто бу фикрни бир оз ривожлантириб, хар бир инсон хаётининг ўзи улкан хикоялардан иборат десак хам янглишмаймиз.

Одам ва илохиёт, одам ва одам, одам ва табиат, одам ва ўтмиш, одам ва келажак аро маънавий, маърифий, психологик, майший, ижтимоий, иктиносидий ва х.к. муносабатлар умуман бадиий асарнинг, хусусан, хикоя жанрининг тугилиши учун асосий омиллардир. Инсондаги айтиш ва тинглаш эҳтиёжи мавжуд экан, хикоя хам яшайверади. Агар мана шу эҳтиёж бўлмаганида адабиётнинг ўзи хам бўлмас эди. Адабиётдан хам кенгрок, аввалрок, юксакрок мезонлар билан ёндашадиган бўлсак, хикоя жанрининг пайдо бўлиши, спецификаси, маънавий-маърифий, бадиий-психологик функцияси энг кадимги замонларга, хатто инсоният хаётининг ибтидосига бориб такалади. Шу маънода илк хикоя тушунчаси хронотопи (макон-замони) Одам ато замонидан хам олисрокка кетади. Хикоя жанри барча адабий жанрларнинг синкетик шакли сифатида лирика, драма хамда эпосга хос элементларни синтез килиши билан бирга, юзаки караганда ноадабий, аммо мохият эътибори билан умуминсоний, демакки, адабий, фалсафий, илохий элементларга бой эканлиги хам юкоридаги фикримизни кувватлайди.

Жаҳон романи структурасига хос ошик-маъшука-ракиб учлиги, мухаббат, хижрон, висол мотивлари аро систематик муносабат бевосита илохий ибтидо режаси билан бөглиқ

бўлиб, бунинг бевосита ёзувдаги ифодаси “Забур”, “Таврот”, “Инжил”, “Куръони карим” сингари илохий китоблардан энерция олганидек, илк хикоянинг асосларини хам мана шундай хронотоп кенгликларидан излаш максадга мувофикдир. Дарҳакикат, илохий китобларда Яратган башарият орасидан танлаб юборган пайгамбарларига космик тизимдаги муайян воеани юксак этика ва эстетик жихатдан баркамол шаклда (“Куръони карим”да иъжоз макомида), ибрат ўларок хикоя килиб беради. Мана шу илохий ибрат негизида хикояга хос барча бадиий компонентлар, поэтик канонлар, умумэстетик концепциялар, ўтмиш ва келажакка доир илмлар мужассам эдики, табиатан “буюк таклидчи” (Ницше) бўлган инсон хикоянинг мукаммал намунаси сифатида бу манбага таянмаслиги мумкин эмасди.

Кейинчалик, такрибан хар бир илохий китоб ёки пайгамбар орасида ўтган, башарий жоҳилият хукм сурган мавсумларда “хакикатдан хабар берувчи ёлгон” (Аристотель) – мифлар пайдо бўлди. Бизгача етиб келган оғзаки ва ёзма шаклдаги мифологик манбаларни кузатганимизда уларнинг таркибида бир учи илохиётга, бошка учи хурофий тасаввурлар ва реал хаётий унсурларга багланган хикояларга кайта-кайта дуч келамиз. Жўн материалистик дунёкараш хукмрон бўлган даврларда мифларни инсон бадиий тафаккури ва илохий китобларнинг илк шакли сифатида тушунтирилганини бугун кўпчилик яхши эслайди. Бирок хакикатнинг ўлмаслиги шундаки, аклий тараккиётнинг юксак чўккиларини эгаллаган XXI одами хам бугун мифологик хикоялар асосида кодланган сирларни кашф этарок хайрат бармогини тишлашдан бошка чора топа олмаяпти. Машхур мифшунос Ж.Ж.Фрэзернинг “Катта Аҳдда фольклор” (Джеймс Джорж Фрэзер. Фольклор в Ветхом завете.-М., 1990) номли асарида кайд этилишича, жаҳон мифологиясида - илохий китоблар хакикатини баён этган, замонавий фан реаллигини исботлаган - Нух (а.с.) тўфонига доир юзлаб хикоялар мавжуд. Шу далилнинг ўзи хам ўтган аср марксчи ва ленинчиларининг миф хакидаги ўринсиз даъволарини йўкка чикаради.

Шу тарика, миф ва дин мотивлари таъсирида аввалига фольклор, кейинрок эса ёзма адабиёт жанри сифатида шаклланган хикоя ўзининг профессионал ижодкорларига, хилма-хил мактабларига эга бўлди. Адабий-тарихий жараённинг турли даврларига хос эстетик талаб ва эҳтиёжларни ифода этувчи жаҳон хикояси энциклопедияси майдонга келди.

Гафур Гулом нашриёти томонидан муҳтарам ўкувчига тухфа этилаётган “ХХ аср жаҳон хикояси” мана шундай улкан тарихий жараёнда бунёд бўлмиш улкан бадиият денгизидан бир томчи холос. Аммо бу шундай томчики, унда улкан бир уммон акси айнан она тилимизда намоён бўлади.

Билишимча, жаҳон хикояларини мавзу ва мундарижа, миллий адабиётлар, муаллифларнинг хилма-хиллиги жихатидан бир кадар кенгрок мужассам этган тўплам шу пайтгача бўлган эмас. Борлари хам ўзида замонаси руҳини муҳрлагани боис шундай тўпламларнинг ўтмишдаги бир боскичига айланди. Албатта, бу тўплам хам йиллар ўтиб кейинги нашрлар учун зинапояга, маълум маънода ўтмишга айланади. Лекин бугун китобнинг тўпловчилари, ноширлари ва масъул муҳаррирлари имкон даражасида энг замонавий, бадиий жихатдан мукаммалрок хикояларни жамлашга уринганлари кўриниб турибди. Колаверса, бундай нашрларнинг муваффакияти ўзбек таржимачилиги, матбаачилиги, хатто бугунги бадиий тафаккурнинг даражаси, ютуқ ва камчиликлари билан бевосита боғлиқдир. Китобга кирган хикоялар, асосан, “Жаҳон адабиёти”, “Тафаккур”, “Ўзбекистон адабиёти ва санъати” сингари вактли матбуот нашрларидан

олинган. Шунингдек, китобда Вахоб Рўзматов, Низом Комилов, Учкун Назаров каби устоз таржимонлар асарларидан намуналар берилиши билан бирга, Алишер Отабоев сингари оригинал матн билан ишлашдек машаккатли меҳнатга бел боғлаган умидли ёшлар килган таржималарга хам дуч келамиз. Бу эса, ўз навбатида, XX аср ўзбек таржимачилиги хусусидаги тасаввурларимизни кенгайтиради ва муайн мъянода мукояса имконини беради, келажакда килинажак ишлар кўламига сезиларли таъсир этади. Хар бир хикоя бошида муаллифга оид киска энциклопедик маълумот берилгани хам китобнинг илмий-адабий кимматини оширади.

Илло, китобга кирган барча таржималар хам хазрат Навоий ижод килган туркий тил имкониятларини намоён этади, деган фикрдан йирокмиз. Таржималар орасида услуб, сўз кўллаш, поэтик тасвир воситалари, психологик талкин, товушлар мослиги ва умумструктур тизим жихатидан кайта ишлаш мумкин бўлган асарлар хам бор. Китобга кирган хикояларнинг барчаси хам катта адабиёт мезонларига дош бера олмайди. Хатто баъзи асарлар ўрнига ўзбекча таржимаси мавжуд бўлган бошка, бадиий савияси юксакроқ асарларни киритиш мумкин эди. Аммо бу ўринда тўпловчи ва ноширлар имкон кадар адабий жараён учун янги, шу билан бирга асар ёзилган – оригинал тилдан килинган таржималарни жамлашни максад килганлари сезилиб туради. Бундан ташкари ушбу китоб “XX аср жаҳон хикояси” рукнининг дебочаси холос. Ўйлайманки, ўкувчининг ушбу руҳ давомли бўлади, деган ишончига заха етмайди, бундай хайрли иш хали давом этади.

Шубҳасиз, китоб шу холатида хам XX аср жаҳон халклари бадиий тафаккури, ботиний олами, маънавий дунёси ва кечмишлари хакида маълум тасаввур беради. Хусусан, китобдан ўрин олган Сомерсет Моэм, Жек Лондон, Эрнест Хемингуэй, Уильям Фолькнер, Нодар Думбадзе, Рюноске Акутагава, Умар Сайфиддин, Михаил Шолохов, Ноколай Гумилёв, Херман Хессе хикоялари нафакат муайян давр ёхуд миллат, балки умумбашарият мулки хисобланади. Айнан шундай асарларда юкорида кайд этилган поэтик кўлам, умумбашарий камров, юксак ахлокка доир муаммолар акс этади ва айнан шу каби асарлар худудсиз макон ва замон кенгликларида XX аср жаҳон адабиёти киёфасига муносиб чизги бўла олади. Айнан шу каби асарлар буюклиқда соддаликни, ўтмишда келажакни, келажакда кечмишни, нафратда мухаббатни, ўлимда хаётни, изтиробда лаззатни ифода этади.

Баликнинг ягона орзуси уммон бўлганидек, хакикий китобхон бир умр асл адабиётга нисбатан бемисл ташналини хис этиб, катта адабиётга интилиб яшайди. Тилагим, XXI аср ўзбек ўкувчисининг катта адабиёт сари кўйган кадами кутлуг бўлсин...

Узок ЖЎРАКУЛОВ,
филология фанлари номзоди,
ЎзМУ доценти
(04.08.2009)